

## BCD APAT PARENTS-TE KIANG A NGETNA

Pathian in lem a hon sakpih lam-en in, hongtung ding July 23, 2017 apat August 13, 2017 kikal Pathianni teng in BCD Hall ah a nuai a hong ki takiang bang in BCD Parents-Teacher Prayer Fellowship (PTPF) neih kisawm hi. Hiai hun ngai poimoh a, Parents te a tam theipen hong kihel ding leh thum na toh ana kisakhawh ding in ka hon ngen uhi.

A ni leh hun : 23.07.2017 (Pathianni), (1330 apat 1445)  
= SENIOR LEH INTERMEDIATE

A ni leh hun : 30.07.2017 (Pathianni), (1330 apat 1445)  
= JUNIOR A & B

A ni leh hun : 06.08.2017 (Pathianni), (1330 apat 1445)  
= PRIMARY A & B

A ni leh hun : 13.08.2017 (Pathianni), (1330 apat 1445)  
= BEGINNER A & B

### PTPF IN A TUP-LE-NGIM:

Naupang kepna toh kisai a lungsim a om, haksatna i tuah, salam leh khalam khan nang a phatuam dia theih te genkhawm na, Pathian kiang a thum na tungtawn a i kipahna leh haksatna i genkhawmte tutkhawm ding, Phatna late tungtawn a Pathian biakkhawmna leh Naupang kepna toh kisai a Sinsaktute leh Parents te kalsangzo suan thak dia kipiak thak na hun a zat ding ki lunggulh hi.

HUAI DING IN KHA SIANGTHOU PI NA KI POIMOH MAHMAH A, THUM MI I TAM KEI LEH MELMAPA VUALZOU IN I TUP-LE-NGIM A LOHSAM DING HI. THUM NI.

## NIPINI NAWN BIAKNA HUNZEK

JULY 30, 2017

11:AM ZING KIKHOP

Biakna leh Phatna : Worship Team makaih in  
Thilpiak Latna : Upa T. Gou Khangin  
Pem Laklutna : Secretary, TBSUC  
Thumsakna & Thugenna : Pastor  
Phatkhawmna : Worship Team makaih in  
Hunkhakna & Vualzawlina : Upa Damsawmthang

## SUNNUNG BIAKNA KIKHOP

02:00 PM YOUTH FOCUS

Biakna & Phatna : Worship Team makaih in  
Thilpiak Latna : Upa Khamkhanpau Guite  
Sharing :  
Pastor Thumsakna : Pastor  
Hunkhakna & Vualzawlina : Upa Tuanmuanthang

## BCD DEVOTION

11:00 am

Tonic Solfa leh Music Sinna Kha/Thugenna

Pitu : Htn Chingngaihlan

LST Sim a Thumna : Songminthang Tonsing Senior

Phatkhawmna : Lapite makaih in

Spl Item :1. Thangthianven Beg B. 2. Soithianlal Beg B

3. Chinhau Guite Pri B. 4.T. Jammuanthang Pri B.

Thugenna( Influence of Music on Youth Today ) : Htp

Thangxianmang Tonsing

Tonic Solfa leh Music Zilna : Music Dept

Thilpiak Latna leh Hunkhakna :Htn Chiinsonkim

Pawl kikhenna om diing

1:30pm PTPF(Inter&Senior)

### JULY 2017 USHER

11:00 AM Biakna :

1. Nu. Nianlianmawi 2. Nu. Huaizavung

3. Pa. Kambiakmuan 4. Pa. Khamzading

5. Pa. Jimmy Tonsing

2:00 PM Biakna :

BYF Bersarai Area Fellowship

Biakna Kikhop - NIPINI TENG

ZING DAK 11:00 AM

SUNNUNG DAK 2:00 PM



Thupi  
Laisiangthou hinkhiak pih a khrist mel  
sun dia khrist diktatna a kilamthakna

For Private Circulation Only | July 23, 2017

## TUNI BIAKNA HUNZEK

9:30 AM COUNSELLING HUN

11:00 AM ZINGLAM BIAKNA KIKHOP

HOLY COMMUNION

Biakna leh Phatna : Worship Team makaih in  
Thilpiak Latna : Upa T. Thiankhanmuan  
Thugenna & Annkuang saina : Pastor  
Phatkhawmna : Worship Team makaih in  
Hunkhakna & Vualzawlina : Pastor

## TEA FELLOWSHIP - SINGPI DAWN A KITHUAHKHAWMNA

### NIPINI PAITA (16/07/2017) A THILPIAK LAKKHAWM

Nipini Thilpiak Rs.9,529;-/ GBC Gift Rs. 000;-/  
Student Chawmna Rs. 000;-/ Tithe Rs. 1,49,572;-/.

## 02: 00 PM SUNNUNG BIAKNA

HOLY COMMUNION

Biakna leh Phatna : Worship Team makaih in  
Thilpiak Latna : Upa Chinsum  
Thugenna/Annkuang saina : Pastor  
Hunkhakna & Vualzawlina : Pastor

## TEA FELLOWSHIP - SINGPI DAWN A KITHUAHKHAWMNA

### WELCOME

Tuni EBCC Delhi a biakkhawmna hun hong uap Toupa misiangthoute I Toupa Jesu Khrist min in itna chibai buk in kon vaidawn uh. Nou toh Pathian bekhawm-phatkhawm a om nuam kasa ua, lemtang omchia nong kikhop zel uh ka lamem uhi.

## Laisiangthou Bulphuh

“Na thu ka khe ading in  
khawnvak ahi a, ka lampi ading  
in vakna ahi”  
(Sam 119:105)

## PRAYER POINTS

> Tuni biakna hun a hon pikhawm Toupa min phat in kipahtu gen ni.

> July khasung a kizatna leh sepkhia dia gelte khat-khit-khat a semthei a honpi Toupa tung ah kipahtu gen ni.

> Toupa Lamtough Saptuam ihih theih na ding in mimal leh heutute Toupa van zat ihih theih nadin ki thumsak tuah chiat ni.

> Hongtung ding (29/7) a siamsinte toh Fellowship ding, Toupa ompihna toh manphatak a zat ahitheih na'ng in thum ni.

> BCD Superintendent leh heutu'e ading in thumni, tulel a BCD Parents - Teachers fellowship pailen naupangte' kepna leh sinsakna a gah manphatak hong hih na ding in.

> Nipini nawn Biakna hunseh kigeelte - Manphatak a I zat theihna ding in tannei dingte leh mipite Toupa khut hat ah kikemsak ni. Nipini nawn Biakna hun a tel thei chiat din Toupa'n damna hon ompih chiat hen.

**Khateng a Nipini masapen chihlouh  
teng zing 9:30 - 10:30 sung  
Counselling hour hi gige hi. Hiai hun  
in mimal hi in, innkuan hileh Pastor  
thumsakna lunggulh leh houlim nuam  
kuapeuh welcome ahi.**

### SAPTUAM BANK ACCOUNT DETAIL

“Evangelical Baptist Convention, Delhi”

A/c No. 11084241142

State Bank of India, New Delhi Main

Branch, Parliament Street,

New Delhi - 110001,

IFS Code SBIN0000691

Email: finance@ebccdelhi.org leh

Mob. No. 9818687331 ah piakna details

theisak zel le kichian mahmah ding.

## Guest Editorial

## NA BIBLE THEI IN

“Na thu ka khe ading in khawnvak ahi a, ka lampi ading in vakna ahi” (Sam 199:105)

Tukha in Bible thu theihna tungtawn a diktatna a kilamthak ding I thupi a hih dungzui in Pathian thu theihna a poimoh dan I kikum ding uh . Tulai in khristiante lak ah Pathian thu theihna ah kiakniamna nasatak a om hi. America gam a survey a bawlina khat uah “ Pathian in amau kipanpihte a panpih hi” (God helps those who help themselves) chih koi a kigelh hiam a dotna uah za lak a 82 te'n Bible a om ahi a chi uhi. Joan of Arc kua ahia chih a dotna uah za lak a 12 te'n Noah zi ahi achi uhi. High school student-te lak ah Sodom leh Gommorah toh kisai a dotna khat uah za lak a 50 te'n nupa (husband and wife) ahi achi uh a kichi hi. Ei lak ah leng Bible sung thu kia hilou a laibu minte nasan koi a om ahia (OT or NT) chih leng theilou a kitamta. Mipi kikhopna khenkhat ah “Samuel khak nihna,” chih hiam “Kumpipate thon khatna” chihthe zak in a om zeuhzeuh mawh hi. Gospel hong lut kum 100 chinna lawm khin phet a hi chi pah I hih leh maban ding ngaihtuah huai taka hi.

Nidang lai in Sap gam ah thu khatpeuh Bible sinsak dan bang hihiam chih mi tangpi'n theilou lua a hih man un England Kumpi in 1643 in Bible siam leh khalam a manhuai mi 151 Westminster Abbey ah a na samkhawm hi. Tua Siampu151 te'n Bible thusinsakte nouneltak a kum nga sung a sui nung un Westminster Confession of Faith kichi a hon bawlkhia uhi. Hiai laibu tuh Bible thu theichian nuam kuapeuh adia sim ngeingei dia hoih ahi. Tulai a political, moral/ethical leh social toh kisai a thilpiang tuamtuamte Bible thutak pansan a sui detdet hun ahi. Bible mun khat sim a ut-teng kawksak a thugen a lauhhuai hi. Gindan diklou (Heresy) I chihte'n leng Bible tang mah pansan uh ahiah man in Bible tang quote thukhat ahi a, Bible thu sinsak theihchet a kisam ahi.

**Saptuam** : Saptuam kichi theihdan khat in I thei vek ua himahleh Bible gen bang in Saptuam bang ahia chih a thei a kitawm hi. Khenkhatte' theihdan in Saptuam kichi pawlpi kip pen, member tampi nei ahi, Chih ahi. Huai ziak in, leitung Makai khenkhat in Saptuam panpihna a kingah leh kivualzou, kilohching ding ahi chiin Saptuam huhna a ngen sek uhi. Tulai ngial in social program teng leng biakin program bang dek phial sek hi. Mawltak a ngaihtuah in thil kipahpih huai leh pathian limsak huai a bang hi. Himahleh a tup (intention) uh mu paillet thei leng Pathian adia kihdak huai a hih ding gintak huai hi. Tua bang ngaihdan neite'n Saptuam tuh “meikang phelhte' bang a diang ding in a lam-en uhi. Bible in Saptuam toh kisai hichibang in a gen: “Krist mou” (2 Kor 11:12; Eph 5:31-32); “Pathian innkuan” (Eph. 2:19; 2 Kor. 6:18; Gal. 6:10); “Pathian Temple” (1 Kor. 3:11,16,17; Eph. 2:19-22; 1 Kor. 6:19) chiin. Europe Saptuam tangthu I et leh Saptuam in Bible theikhial a kumpi (politics) a control hun a om a, ahoih hetkei a Saptuam in a sihloh dek man hi. A

lang khat ah Kumpi (politics) in saptuam theikhial in a thuneih khum hun a om a politics in a thuakloh chih I mu hi. A tawp in Saptuam hong khanglou a Saptuam leh politics (Church and state) gawmkhawm louh ding, Kaiser thil tuh kaiser a ahi-a, Pathian thil tuh Pathian a ahi. Chih thutak a hon paipih ta hi. Kisukha hetlou ding chihna bel a hikei a tua hileh leitung apan paikhiak kul ding hi, himahleh a tuam a hih ziak un gawm khawm louh chih thu ahi.

**Gender Equality**: Pathian in mihingte numei leh pasal kibang a ahonbawl ahi. Huai ziak in chitna a neih nakleh Numei leng ordain theih ahi chia social leh secular lungput pansan a thugen a hong tam hiahiah hi. Teina leh kizendan keulu et in tuh pasal sang a hithei zaw numei omtham hi. Huai ziak in, numei ordain louh ding, thu gen sak louh ding chih zaw numei theihna ahi. Chih ngaihdan nei a om uhi. Eite ading a dotna poimoh tuh Bible in bang a gen a chih ahi. Bible in tangtak a a gen khawng gen thakthak ngailou a zuihmai ding ahi. Nidang lai a reformer-te' thusam “Bible keulu ginna leh gamtat a zuih tham omsun ahi” ana chih uh, tulai a leng I chih uh kisam ahi. Bible pomkip in I meivak makai! (Hiai editorial tukha thupi toh kituak leh hoih akisak man in hoih kisa in KTZ editorial a kipan hong ki lasawn ahi).

## IBWU THUMKHAWMNA

August 15th India Baptist Women Union Day of Prayer kumteng a India a Baptist Numei Pawl in thumna hun a a na zatzel ei saptuam a leng Dorka Pawl makaih a i na zatzel uh ahi. Huan hiai thumna a thohlawm ki tawikhawmte IBWU a lut ding ahiman in a lemchang masa pen a office tawn a Dorcas Hall a thot zel ahi.

## MUSIC FEST 2017

Asaitu: BYF & Worship Team

Ani : 26,27, August.

Theme: "Praise the Lord, O my soul" - Psalms 103:1

Resource Person : Rev. N.Pumsuanmung, Y.C. EBC

Mimal, pawl/band a Pathian “phatna laa” sa ut te'n, July 30, 2017 tan in, Pastor Biakson (9711864037) & Mung Munsong (8130687501) te thuzak theih ding hi.

## BAPTIST YOUTH FELLOWSHIP

1) **Lehkhahu kaihkhawmna**: Mizoram Division sung a i Saptuam etkol High School 1, Jr. High School 3 leh JB School 2 a kai school naupang-te' phatuam pih theih ding lehkhahu lui/athak thokhiak theih di nei te'n, hehpih a, kikhop Chiang a hon tawikhawm ding in i kingen hi. Laibu te biakinn kong a mun kibawl ah koihkhawm theih ding. Hiai toh kisai, Htp Paukhanthang (8750668783) & Htn. Manjewelkim (9582708215) te thuzak theih ding hi.

2) **Sound Systems Project** : I Saptuam Project, Rs.3 lakh kiguang ahinna ah, kuapeuhmah in Pathian vualzawina ziak a i lohsuah theihthe, i kiphaina bangbang thokkhawm siausiau a pangkhawm di'n i kingen hi. Huchibang thokkhawm theihna ding in, Biakin kong a Sound Systems Project box kikoih ah khiaktheih zel ding hi. Thuzak nuam hiam i omleh, Htp N. Chin Ginthang (9953820651) houpih theih ding hi.

3. **Tuailai Melthak vaidawanna (Aug 6, 2pm kikhop)**: Tuailai te'n chiamteh in, hiai hun ah Delhi a hong paithak te kihelsawm di'n ana kisa chiatni. Melthak te'n mahni Area Coordinators te kiang ah min piakkhawm theih dngi. Htn Zenngaihlun 9654293531 kiang ah leng piak theih ding.

## NIPI SIKUL RESULT SUAK

Tualsung Baptist Children Department Sunday school kumkim exam result leh piching lam exam result suakta notice board a ettheih ding in kitak hi. Exam-te siamthei mahmah ua ikpahpih petmah ahi.

## THEIHTUAK: Worship Team (WT), EBCC Delhi

(11AM & 2PM) a kichih chia'n laa sa a dingkhia leh tumgingtum te banah Technicians kichi om lai hi. Amaute - **Technicians (Sound)**: Pa Paukhanchin, Pa L.B. Sang Khuotong, Tg. Kakap Hauzel leh Tg. Pauminlian Tangpua. **Technicians (Projector)**: Pa Thanglian @Tete, Pa Hau D. Tunglut, Pa David Nengsonlian leh Tg Thangmuanlian.

## BCD SENIOR &amp; INTERMEDIATE

## PAWL (PTPF)

**A Ni leh hun** : July 23, 2017 (1330 - 1445)

Pitu : T/Upa H. Zabiak, BCD Suptd.

Recording : Htp. Hauboi, Secretary BCD

La vek / gen ding : Htn. Chinglian kim

PTPF honna : Pastor H Biakson, BCD Adviser

Khrist ziak a hamphatna : Htn. Lydia

Phatkhawmna : BCD lapite' makaih in

Sinsaktute apat Report/Sharing

(1) Senior - Htn. Mankhanning & Htp. Nicky Tonsing

(2) Inter – Htp. Jamchinlam & Htn. Ngainunmawi

Parents' apat thugenna / interaction : A om bangbang Thumkhawm na :

Hunkhakna : Upa L Ngulminthang, Chairman TBSUC

*Lateel* : Jesu neih hinna nuam, Ka dam na Khros, Aw Pasion.

## JUNIOR A &amp; B PAWL (PTPF)

**A Ni leh hun** : July 30, 2017 (1330 - 1445)

Pitu : T/Upa H. Zabiak, BCD Sptd.

Recording : Htp. Hauboi, Secretary, BCD

La vek / gen ding : Htn. Chinglian kim

Hun honna thumna : Upa Thianzakham,

Thank you Lord : Htp. Thang Sianmang

Phatkhawmna : BCD lapite' makaih in

Sinsaktute apat Report/Sharing

: (1) Junior A – Htp. Hauboi, Htn. Lialian & Htn. Hmingte

(2) Junior B - Htn. Muante, Htn. Biakching & Htn. Lydia

Parents te apat thugenna / interaction : A om bangbang

Thumkhawm na :

Hunkhakna : Pa Hausuanthang Guite

*Lateel*: Ka kipak ngei Toupa, Aw Toupa mikhial ka hi, Jesu kiang ah ka bit ding

## MOONLIGHT MINISTRY

Moonlight Ministry a i nna sepa tungtawna piangthak Uncle Khazanchite innkuan in haksatna thupitak tuak uh. Khazanchi leh a zi 2014 a piangthak a hi ua, tua nung fellowship leh sunday in i biakinn hong kikhawm den u hi. A man ta pasal nih leh numei thum nei hi. Khazanchi Upa(elder brother) in naktakin douin a inkuante sukbuaina dingin pan nasatakin la hi. Khazanchi innmun pen a upa'n sotpek a kipan a piak himahleh tun atapa in laksuh kik sawmin UP leh Delhi police te guai in panla hi, Thumpih chiatni.